

تاریخ دباچ : 17 جون 2016

## خطبة جمعة

تاجوق:

"رمضان؛ افاكه فيستا جواده اتاو عبادة"

\*\*\*

تربيتن:

اونيت خطبة، بهاكين فغوروسن مسجد

جابتن اكام اسلام سلاغور



## سناراي اھلي جاوتنڪواس خطبة نڪري سلاڱور 2016

- 1- صاحب السعادة دائوء حاج حاريس بن قاسم (ڦڙوسي)  
ڦڙاره جاس
- 2- توان حاج احمد ڏاڪي بن ارشد (تيمبلن ڦڙوسي)  
تيمبلن ڦڙاره جاس
- 3- صاحب السماحة ڊوڪٽر حاج انهار بن حاج اوڦير (اهلي)  
تيمبلن مفتي، جابتن مفتي نڪري سلاڱور
- 4- توان حاج اڊريس بن رملې (ستياوسها)  
ڪوا ڦنولوغ ڦڙاره بهاڪين ڦڙوروسن مسجد جاس
- 5- يڄ برهاڪيا ڦروفيسور مڊيا ڊوڪٽر حاج عثمان بن صبرن (اهلي)  
اونيورسيتي سلاڱور
- 6- توان حاج سيانيد بن حاج مقيم (اهلي)
- 7- توان حاج حميد بن مت عيسيٰ (اهلي)  
ڦنشرح، ڪوليج اونيورسيتي اسلام اتارا بڻسا سلاڱور
- 8- توان حاج مد سھاري بن عبدالله (اهلي)
- 9- توان حاج عبدالحاليم حافظ بن صالحين (اهلي)
- 10- استاذ محمد فرحان بن ويجاي (اهلي)  
امام بسر مسجد سلطان صلاح الدين عبد العزيز شاح
- 11- استاذ ايندرا شهريل بن محمد شهيد (اهلي)  
مجلس اڪام اسلام سلاڱور
- 12- استاذ خير العزمي بن خيرالدين (اوروستيا)  
ڦنولوغ ڦڙاره اونيت خطبة بهاڪين ڦڙوروسن مسجد، جاس



## "رمضان؛ افاڪه فيستا جواده اتاو عبادة"

الْحَمْدُ لِلَّهِ الْقَائِلِ ... كُلُّوْا وَاشْرَبُوْا مِنْ رِّزْقِ اللَّهِ وَلَا  
تَعَثَوْا فِي الْأَرْضِ مُفْسِدِينَ<sup>1</sup>  
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ  
أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ وَسَلِّمْ عَلَى  
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ. أَمَّا  
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوْصِيكُمْ وَإِيَّايَ  
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا  
الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ  
مُسْلِمُونَ.

<sup>1</sup> Surah al-Baqarah ayat 60.



مسلمين يغ درحمتي الله سكالين،

ماريله كيت منيغكتكن كآيمانن دان كتقواءن  
كقد الله سچارا إستقامة دغن ملقساناكن قرينتهش  
دان منيغكلكن سكالالا لارغثن. مپرو كقد فركارا  
يغ ممباوا كباءيقن دان منچكه سكالالا بنتوق  
كموغكرن. سموك دغن منيغكتش كآيمانن دان  
كتقواءن ايت، اكن منجادي نيلاي تمبه كقد ديري  
كيت اونتوق منجادي مؤمن سجاتي.

برسمقنا بولن رمضان اين، منبر جمعة ايغين  
مغاجق مسلمين سموا اونتوق مغحياتي خطبه  
برتاجوق "رمضان؛ افاكه فيستا جواده اتاو  
عبادة؟".

سيدغ جمعة يغ درحمتي الله،

كداتغن رمضان دننتي دان دسمبوت دغن قنوه  
كإنصافن اونتوق منچاري سكالالا ماچم كنجرن



فها لا يغ دجنجىكن خصوص اوليه الله سبحانه  
وتعالى سباكايما ن حديث يغ دروايتكن اوليه ابو  
هريرة رضي الله عنه بهاوا رسول الله ﷺ برسبدا:

كُلُّ عَمَلٍ ابْنِ آدَمَ يُضَاعَفُ الْحَسَنَةُ عَشْرُ  
أَمْثَالِهَا إِلَى سَبْعِمِائَةٍ ضِعْفٍ، قَالَ اللَّهُ عَزَّ  
وَجَلَّ: "إِلَّا الصَّوْمَ فَإِنَّهُ لِي، وَأَنَا أُجْزِي بِهِ.

"ستياف عملن انق آدم، فها لاث اكن دكنداكن  
سقولوه كالي كندا سهيغكاله توجوه راتوس كالي  
كندا. الله بركات: كچوالي قواسا. سسوغكوهش  
اي ميليک اكو. اكو له يغ اكن مبهائي-بهاكيكن  
كنجرن فها لاث".

(مسلم)

باكي سستغه مشاركت، كداتغن رمضان  
سباكاي قلواغ كامسن اونتوق منمبه قنداقتن



سمقيغن دشن مېوک کراي جوانن جواده بربوک  
قواسا. دسمقيغ ايت ترداقت قلباڳاي اعلان دان  
قروموسي مناورکن ڦاکیج بربوک قواسا دمراتا-  
رات تمقت ترماسوق هوتیل ۲ سرتا ريستورن ۲  
میواه.

اڦاکه متلامت کیت؟ اداکه کداتغن رمضان  
دسمبوت سباڳاي ڦیستا جواده اتاو عبادة؟  
مسلمین سکالین،

کیت سدیا معلوم، سسوغکوهن رمضان  
سباڳاي بولن مندیډیق جیوا. کیت ڦرلو منیغکتکن  
کصبرن دالم مغوروس دان مغاول نفسو درڦد  
ڦرکارا ۲ یغ مروسقکن ڦهالا قواسا سام اد ملالوئی  
ڦرچاکفن دان ڦربواتن سڦرتي مغومت، ممفتنه،  
ادو دومبا، برکادوه دان سباڳایش.



سبواہ حدیث قدسی یغ دروایتکن اولیہ أبو  
هریره رضی اللہ عنہ برکات نبی ﷺ برسبدا بهاوا  
اللہ سبحانہ و تعالیٰ بر فرمان یغ بر مقصود:

"اقایلا سساورغ کامو بر قواسا، جاغنه ای  
برچاکف قرکارا یغ کوتور دان سیا، دلارغ  
جوک برتغکر دان ماکي هامون. اقایلا ای  
دماکي هامون اولیہ سساورغ اتاو دأجق  
بر موسوهن، مک هندقله ای برکات:  
سسوغکوهن اکو بر قواسا هاري این."

(البخاري دان مسلم).

ترماسوق دالم کونتيکس مغاول نفسو ایاله  
کتیک ممبلي جواده بر بوک دبذار رمضان، یغ  
دنتي-نتيکن اولیہ سکنف لاقيسن مشارکت.  
قستين قلباکاي جنيس جواده ماکنن دان مينومن  
بولیہ دقراولیهي سقنجغ بولن رمضان این.  
جوسترو، منبر ایغین منصیحتي قارا جماعه سکالین



اگر برسدرهان دان بر قدا-قداله کتیک بر بلنجا ممبلي  
جواده بر بوک قواسا سو قاياد دافت دقرون توقن  
واغ لبهن کقد کولوغن یغ ممرلوکن قولاً.

مشارکت جوک دایغتکن اگر تیدق منجادیکن  
بذار رمضان سباکاي قیستا ماکنن دان میدن  
اونتوق ممبالس دندم سهارین مناهن لافر دان  
دهاک. کیت سقاتوتن ملتقن نیلای دان حکمه  
قواسا ایت لبیه تیغکی بر بندیغ نفسو ماکن یغ  
تیدق قرنه قواس. جاغنه اخیرن ننی بذار رمضان  
منجادی بذیر رمضان یغ مپیکن کیت تیواس دالم  
قرجواغن ملاون هاوا نفسو سماس بر بوک قواسا.

کریساون کیت این دبوقتیکن اولیه ببراڤ فقتا  
یغ دیپاتاکن اولیه قربادنن قغوروسن سیسا ققجل،  
یغ مریکودکن سبایق 15,000 تن سیسا ماکنن دبواغ  
ستیاف هاری سقنچغ 2015. جومله ترسبوت بولیه  
مبری ماکن کقد 11 جوتا اورغ اونتوق 3 کالی



هيدغن سهارى. قالىغ مندو كاچيتاكن، جومله  
سيسا ماكنن اكن منىغت سهيغك 15% قد  
موسيم قرايائن ترماسوق بولن رمضان.

سومبر يغ سام معلومكن بهاوا سبايق 1/3 درقد  
ماكنن دبذيركن سماس قروسيس قيديائن، قغلووان  
دان قغكونائين. كاجين منداقتي، ساتو رومه يغ  
دهوني اوليه 5 اورغ مبلنجاكن سچارا قوراتا  
RM1,100 سبولن اونتوق ماكنن سهاج. سكيران  
دامبيل كيرا 1/3 درقد ماكنن دبذيركن سماس  
قروسيس ترسبوت، مك نيلاي ماكنن سبايق  
RM360 دبواغ كدالم توغ سمقه ستياف بولن. اداكه  
اين چرمينن اخلاق باكي ساورغ مسلم؟

حاضرين يغ درحمتي الله سكالين،

عمالن ممبذير امت دتكه اوليه اسلام. سوده  
قستي كيت تيدق ماهو تركولوغ سباكاي ساودارا



شیطان سقرتیمان یغ دپاتاکن دالم فرمان الله  
سبحانه وتعالی دالم سورة الإسراء اية 27؛

إِنَّ الْمُبَذِّرِينَ كَانُوا إِخْوَانَ الشَّيْطَانِ <sup>ص</sup> وَكَانَ الشَّيْطَانُ  
لِرَبِّهِ كَفُورًا ﴿٢٧﴾

"سسوغکوهن اورغ ۲ یغ بوروس ایت اداله  
ساودارا-ساودارا شیطان، سدغ شیطان ایت قولاً  
اداله مخلوق یغ ساعت کفور کقد توهنش".

توننوتن برسدرهان کتیک مغمبیل ماکنن تله  
دجلسکن منروسی فرمان الله سبحانه وتعالی دالم  
سورة الأعراف اية 31؛

...وَكُلُوا وَاشْرَبُوا وَلَا تُسْرِفُوا ۚ إِنَّهُ لَا يُحِبُّ

الْمُسْرِفِينَ ﴿٣١﴾



"... دان ماکنله سرتا مینومله، دان جاغن قولاً  
کامو ملمقاو؛ سسوغکوهن الله تیدق سوک اکن  
اورغ ۲ یغ ملمقاوی باتس."

حدیث یغ دروایتکن اولیه مقدام بن معدی  
کرب بهاوا رسول الله ﷺ برسبدا یغ برمقصود:

"انق ادم ایت تیدق ممنوهی سواتو بکس یغ لبیه  
بوروق درقد قروتش. چو کوقله باکی انق ادم ایت  
بیراقا سواق یغ داقت ملوروسکن تولغ بلاکش  
(ممبریکن کقواتن کقدان). سکیراڻ تیدق داقت،  
مک ساتو قرتیک اونتوق ماکن، ساتو قرتیک  
اونتوق مینومن دان ساتو قرتیک اونتوق قرفسن."  
(الترمذی).

مسلمین یغ درحمی الله سکالین،

سومبر درقد قورتل کمنترین کصیحتن ملیسیا  
منصیحتکن سواقیا مشارکت تیدق ماکن سچارا



برلبهين کتيک بربوک. اين کران سلقس سهارين  
برقواسا، اکتیوي تي کستريک ددالم قروت اکن  
منورون قد تاهف مينيموم دان منيغت کتيک  
بربوک. سکيراڻ کيت ماکن دغن بايق، قنيغتکن  
اسيد اکن برلاکو دغن مندادق.

کأداءن اين بوليه مڻعاقبتکن کتيدق سليساءن  
دان منججسکن کصيحتن. عاقبة ککپڻ، بادن  
اکن منجادي لسو، لنتس مڻوندڻ راس مالس  
سهيڻگ مڻعزورکن ديري اونتوق برعبادة دمام  
هاري. جک بکيتو ستياف هاري، باکايماڻ کيت  
هندق مربوت کنجرن دبولن رمضان؟

ماريله کيت منچونتوهي قندوان بربوک قواسا  
اوليه رسول الله ﷺ دغن ماکن يڻ موده دماکن  
دان دچرنا.



حديث دري أنس بن مالك رضي الله عنه  
منچريتاكن تنتغ عملن رسول الله ﷺ كتيك  
بربوک قواسا يغ برمقصود:

"رسول الله ﷺ بربوک سبلوم ملاکوکن صلاة  
دغن رطب (کورما يغ ماسيه باسه دان سکر)، دان  
جک تيدق منموکن رطب، بکيندا بربوک دغن  
کورما، دان جک تيدق منداقت کورما، بکيندا  
بربوک دغن ممينوم ببراڤا تکوق اءير".  
(ابو داود دان الترمذي).

دالم سبواه حديث يغ لاءين، بکيندا ﷺ  
منجلسکن دغن مقصودن:

"اقاييلا دهيدغکن ماکنن مک مولاءيله دغنن  
(ماکنن ايت) سبلوم کامو صلاة مغرب دان  
جاغنه کامو ترکوقوه-کافه کتيک ماکن".  
(البخاري دان مسلم).



مسلمين يڻ درحمتي الله سڪالين،

مغاخيري خطبه هاري اين، مڪ ڦرڪارا  
بريڪوت هندقله ڊبري ڦرهاتين؛

1. اومت اسلام هندقله منجالني عبادة ڦواسا  
ڊبولن رمضان اين دڻن ڦنوه خشوع دان ممڦوپاءي  
نيلاي ڪتقواءن يڻ تيڻڪي ڪڦڻ الله سبحانه وتعالى.

2. اومت اسلام هندقله تيدق منجاڊيڪن  
رمضان سباڪاي بولن يڻ ممبڊير دالم ممبلي جواده  
ماڪن اونتوق بربوڪ دان برسحور.

3. اومت اسلام هندقله سنتياس ايڻت بهاوا  
بولن رمضان اين مروڦاڪن بولن اونتوق مراءيه  
سبايق-بايق ڦهالا دان ڪامڦونن يڻ ڊسڊياڪن اوليه  
الله سبحانه وتعالى.

أَعُوذُ بِاللَّهِ مِنَ الشَّيْطَانِ الرَّجِيمِ



﴿ يَبْنِي ۡءَادَمَ خُذُوا زِينَتَكُمْ عِنْدَ كُلِّ مَسْجِدٍ وَكُلُوا  
وَأَشْرَبُوا وَلَا تُسْرِفُوا إِنَّهُ لَا يُحِبُّ الْمُسْرِفِينَ ﴾

"واهاي انق ۲ ادم! ڦاڪايله ڦاڪاين ڪامو يڻ اينده  
برهياس ڦڊ تياڦ ۲ ڪالي ڪامو ڪتمڦت عبادة (اتاو  
مغر جاڪن سمبهيڻ)، دان ماڪنله سرتا مينومله، دان  
جاڻن ڦولا ڪامو ملمڦاو؛ سسوغڪوهن الله تيڊق  
سوڪ اڪن اورغ ۲ يڻ ملمڦاوعِي باٽس".

(سورة الأعراف: 31).



بَارَكَ اللهُ لِيْ وَلَكُمْ فِي الْقُرْآنِ الْعَظِيمِ،  
وَنَفَعَنِيْ وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلْ مِنِّيْ وَمِنْكُمْ تِلَاوَتَهُ، إِنَّهُ هُوَ  
السَّمِيعُ الْعَلِيمُ.

أَقُولُ قَوْلِيْ هَذَا وَأَسْتَغْفِرُ اللهَ الْعَظِيمَ لِيْ  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ  
إِنَّهُ هُوَ الْغَفُورُ الرَّحِيمُ



## خطبة كدوا

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ  
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ  
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ  
وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا  
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ  
بِتَقْوَى اللَّهِ فَقَدْ فَازَ الْمُتَّقُونَ.

سيد غ جمعة يغ درحمي الله سبحانه وتعالى،

منبر جمعة سكالى لاني برقسن بهاوا إسلام  
مغاجر كيت سوقايا برسيفك سدرهان دالم  
سكاللا عمالن. كيت امتله دتونوت آخر  
منمقيلكن كموليان أخلاق، سيفك دان  
كقريادين تيغكي كران رسول الله ﷺ داوتوس



اونتوق ميمقورناكن اخلاق دان سباكاي رحمة  
باكي سلوروه اومت دان سكالين عالم. قد ماس  
يغ سام كيت جوڻي دسارن سوقايا منجاءوهي  
سبارغ بنتوق فهمن سست دان قربواتن  
ايكستريم يغ كسنش اكن منججسكن  
كهرمونين، قرقادوان دان كسلامتن اومه دان  
نكارا

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ  
ءَامَنُوا صَلُّوا عَلَيْهِ وَسَلِّمُوا تَسْلِيمًا.  
اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ  
الْمُرْسَلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ  
وَأَزْوَاجِهِ وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ  
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ ، إِنَّكَ سَمِيعٌ



قَرِيبٌ مُّجِيبٌ الدَّعَوَاتِ وَيَا قَاضِيَ الْحَاجَاتِ.  
اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ،  
وَنَسْأَلُكَ بِأَسْمَائِكَ الْحُسْنَى وَصِفَاتِكَ الْعُظْمَى أَنْ  
تَحْفَظَ بَعَيْنَ عِنَايَتِكَ الرَّبَّانِيَّةِ وَبِحِفْظِ وَقَايَتِكَ  
الصَّمَدَانِيَّةِ، جَلَالَةَ مَلِكِنَا الْمُعَظَّمِ سُلْطَانَ سَلَاعُورِ،  
سُلْطَانَ شَرَفُ الدِّينِ اِدْرِيسِ شَاهِ الْحَاجِ ابْنِ  
الْمَرْحُومِ سُلْطَانَ صَلَاحُ الدِّينِ عَبْدِ الْعَزِيزِ شَاهِ  
الْحَاجِ. اللَّهُمَّ أَدِمِ الْعُونَ وَالْهَدَايَةَ وَالتَّوْفِيقَ،  
وَالصِّحَّةَ وَالسَّلَامَةَ مِنْكَ، لِيَوْلِيَّ عَهْدِ سَلَاعُورِ،  
تَعَكُّو أَمِيرِ شَاهِ ابْنِ السُّلْطَانَ شَرَفُ الدِّينِ اِدْرِيسِ  
شَاهِ الْحَاجِ فِي أَمْنٍ وَصَلَاحٍ وَعَافِيَةٍ بِمَنْكَ  
وَكَرَمِكَ يَا ذَا الْجَلَالِ وَالْإِكْرَامِ. اللَّهُمَّ أَطْلُ



عُمْرَهُمَا مُصْلِحِينَ لِلْمُوظَّفِينَ وَالرَّعِيَّةِ وَالْبِلَادِ،  
وَبَلِّغْ مَقاصِدَهُمَا لِطَرِيقِ الْهُدَى وَالرَّشَادِ.

يا الله، اڱڪاوله توهن يڱ مها برڪواس، ڪامي  
برشڪور ڪحضرتو يڱ تله مڱورنياڪن ڪامي  
رحمة دان نعمة، سهيڱڪ ڪامي داقت منروسڪن  
اوسها ڪاره مڱرڪوڪوهڪن نڪارا اومت اسلام  
خصوصن نڪري سلاغور، سباڪاي نڪري يڱ  
ماجو، سجهترا دان برڪباچيقتن دباوه ناءوڱن دان  
قيمتين راج ڪامي سباڪاي ڪتوا اڪام اسلام  
دنڪري اين.

جوسترو ڪامي قوهون ڪحضرتو يا الله،  
تتفڪنله ايمان ڪامي، تريماله عمل ڪامي،  
ڪوڪوهڪنله فرقادوان ڪامي، لواسڪنله رزقي  
ڪامي، ڪاياڪن ڪامي دڱن علمو يڱ برمنفعة،



سوبور ڪنله جيوا ڪامي دغن بودي فڪرتي يڻ  
موليا، ڪمباليڪنله ڪامي ڪجالن يڻ اڻڪاو  
ريضاءي، ليندو غيله ڪامي درقد بالا بنچان دان  
اوجينمو يڻ برت سوقايا دغن دميكين، نڪري  
ڪامي اڪن سنڀياس برتمبه معمور دان برڪه.

يا الله، ڪامي قوهون ڪحضرتو. منتقنله  
فڪاڻن ڪامي منوروت اجر ن اهل السنة والجماعة  
دان قليهاراله ڪامي درقد عقيدة دان عملن يڻ  
مپليويڻ دان سست سقرتي فهامن شيعة، قدياني  
سرتا لاءين ۲ فهمن.

يا الله، بوڪاڪنله هاتي ڪامي اونتوق  
منديريڪن صلاة فرض ليم وقتو، منونا يڪن زڪاة  
دان ڪفرضوان يڻ لاءين سرتا موقفڪن دان  
مغينفقن هرتا مالوئي قربادنن وقف نڪري  
سلاڻور (PWS) دان تابوڻ امانه قمبراڻونن اسلام



سلاٹور (TAPIS). سموک دغن عملن این یا اللہ،  
برکتیلہ ہیدوف دان لواسکنلہ رزقی کامی دغن  
کنجرن قہالا یغ برککلن ہیغک کھاری اخیرہ

رَبَّنَا هَبْ لَنَا مِنْ أَزْوَاجِنَا وَذُرِّيَّاتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً  
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي  
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ  
يُعِظُكُمْ لَعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ  
نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ  
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.



ريزال/نورول\*\*  
07.06.2016